



№ 22
2021-yil, 9-iyun
Chorshanba (32.664)

Ijtimoiy-siyosiy gazeta
1918-yil 21-iyundan chiqq boshlagan

O'zbekiston OVOZI

Улуғлардан улуғимсан, Ватаним!

БЮДЖЕТ ПУЛИ ҚАЙСИДИР АМАЛДОР ЁКИ ВАЗИРЛИКНИКИ ЭМАС



МАСАЛА
СЕССИЯДА
КЎРИЛСА,
ШАФФОФЛИК ВА
ХАБАРДОРЛИК
ОШАДИ,
МУТАСАДДИ
ТАШКИЛОТЛАР,
РАЎБАРЛАРНИНГ
МАСЪУЛИЯТИ,
ЖАВОБГАРЛИГИ
КУЧАЯДИ.

2

МУҲИМ ЯНГИЛИКЛАР

ЎЗБЕКИСТОН ПРЕЗИДЕНТИ РАСМИЙ ТАШРИФ БИЛАН ТОЖИКИСТОНГА БОРАДИ

ЎЗБЕКИСТОН РЕСПУБЛИКАСИ
ПРЕЗИДЕНТИ ШАВКАТ
МИРЗИЁЕВ ТОЖИКИСТОН
РЕСПУБЛИКАСИ ПРЕЗИДЕНТИ
ЭМОМАЛИ РАҲМОННИНГ
ТАКЛИФИГА БИНОАН 10-11
ИЮНЬ КУНЛАРИ РАСМИЙ
ТАШРИФ БИЛАН УШБУ
МАМЛАКАТДА БЎЛАДИ.
ТАШРИФ ДАСТУРИДА
ДУШАНБЕ ШАҲРИДА ИККИ
ТОМОНЛАМА ТАДБИРЛАР
– РАСМИЙ КУТИБ ОЛИШ
МАРОСИМИ, ТОР ДОИРАДАГИ ВА
КЕНГАЙТИРИЛГАН ТАРКИБДАГИ
МУЗОКАРАЛАР, ИЖТИМОЙ
ОБЪЕКТЛАР ОЧИЛИШИ ВА
ИККИ ТОМОНЛАМА ҲУЖЖАТЛАР
ИМЗОЛАНИШИГА БАҒИШЛАНГАН
ОНЛАЙН МАРОСИМЛАР
ЎТКАЗИЛИШИ КЎЗДА ТУТИЛГАН.

ПРЕЗИДЕНТ ШАВКАТ МИРЗИЁЕВ
РАИСЛИГИДА 8 ИЮНЬ КУНИ ҚИШЛОҚ ХЎ-
ЖАЛИГИ ВА ТАДБИРКОРЛИКНИ РИВОЖ-
ЛАНТИРИШ ОРҚАЛИ АҲОЛИ БАНДЛИГИ-
НИ ТАЪМИНЛАШ ҲАМДА ОЗИҚ-ОВҚАТ
МАҲСУЛОТЛАРИ ҲАЖМИНИ КЎПАЙТИ-
РИШ МАСАЛАЛАРИ БЎЙИЧА ВИДЕОСЕ-
ЛЕКТОР ЙИГИЛИШИ ЎТКАЗИЛДИ.

КЕЧА ЎЗБЕКИСТОН РЕСПУБЛИКАСИ
ПРЕЗИДЕНТИНИНГ "ЕР МУНОСАБАТЛА-
РИДА ТЕНГЛИК ВА ШАФФОФЛИКНИ ТАЪ-
МИНЛАШ, ЕРГА БЎЛГАН ҲУҚУҚЛАРНИ
ИШОНЧЛИ ҲИМОЯ ҚИЛИШ ВА УЛАРНИ
БОЗОР АКТИВИГА АЙЛАНТИРИШ ЧОРА-
ТАДБИРЛАРИ ТЎҒРИСИДА"ГИ ФАРМОНИ
ҚАБУЛ ҚИЛИНДИ.

ТУМАН ВА ШАҲАР ҲОКИМЛАРИНИНГ
ЕР АЖРАТИШ ВА УЛАРНИ ҚАЙТАРИБ
ОЛИШ БИЛАН БОҒЛИҚ БАРЧА ВАКОЛАТ-
ЛАРИ БЕКОР ҚИЛИНДИ.

САЙЛОВ ЭШИК ҚОҚМОҚДА

Сиёсий партиянинг ғоясига, таклиф-
ташаббусларига кўра танқид қилган
киши билан гаплашиш, баҳслашиш
мумкин. Беқарор кимсаларга гапириб,
оғиз толдиргандан маъно йўқ.



6



Women in Politics: 2021



Situation on 1 January 2021



ЎЗБЕКИСТОН АЁЛЛАР ВАКИЛЛИГИ БЎЙИЧА 45-ЎРИНДА

Парламентлараро иттифоқ (ПИ) расмий
веб-саҳифаси 2021 йил учун «Сиёсатда
аёллар» инфографикасини эълон қилди. Унда
аёлларнинг турли мамлакатлар парламентлари
ва ҳукуматларидаги вакилликка оид статистика
келтирилган.

Парламентлараро иттифоқ маълумотиغا кўра,
ушбу кўрсаткич бўйича Ўзбекистон дунёда 45-ўрин-
ни эгаллаб турибди. Республикаимиз шу маънода
ПИга аъзо 130 дан ортиқ давлат, жумладан, Гер-
мания, Австралия, Канада, АҚШ, Марказий Осиё
мамлакатларидан ўзиб кетди.

Бундан ташқари, республикаимиз аёллар парла-
ментга раҳбарлик қиладиган ва ҳукумат таркибига

кирадиган давлатлар рўйхатига киритилган. Қайд
этиш керакки, хорижлик ҳамкорлар Сенат раиси
Танзила Норбоева раҳбарлик қиладиган Гендер
тенгликни таъминлаш масалалари бўйича комиссия
фаолиятини юқори баҳоламоқда.

Парламентлараро иттифоқ 1889 йилда ташкил
этилган. У 179 мамлакат парламентларини бирлаш-
тирувчи парламентлараро мулоқот учун энг йирик
майдон ҳисобланади. Ташкилот таркибига, шунингдек,
13 та худудий парламент бирлашма ҳам кирди.

Ўзбекистон Парламентлараро иттифоққа 1992
йилда аъзо бўлган.

“Дунё” АА.
Женева



ЎЗБЕКИСТОНГА ПЕШҚАДАМЛИК КЕРАК



8

ЭВЕРЕСТНИ ЗАБТ ЭТГАН БИРИНЧИ ЎЗБЕКИСТОНЛИК АЛЬПИНИСТ



Президентимиз Шавкат Мирзиёев дунёдаги энг баланд Эверест чўққисини забт этиб, унда давлатимиз байроғини ҳилпиратган қахрамон альпинистимиз Сергей Денисенкони "Ўзбекистон ифтихори" фахрий унвони ва "Traiblazer" автомобили билан мукофотлади.

Шу муносабат билан ташкил этилган тантанали тадбирда Ўзбекистон Республикаси Президентининг маслаҳатчиси Абдужаббор Абдувахитов, Ўзбекистон Республикаси Президенти Администрацияси раҳбарининг уринбосари – Президент Матбуот котиби Шерзод Асадов, давлат ва жамоат ташкилотлари вакиллари, журналистлар иштирок этди.

Сергей Денисенко энг мураккаб йўналишлардан бири бўлган жанубий қиялиқдан Эверест чўққисини забт этган биринчи ўзбекистонлик альпинист.

У болаликдан кўп вақтини тоғ оромгоҳларида ўтказган, саёҳат қилган. 2007 йилда Сергей Денисенко ўзининг реклама агентлигини очди, sanoat альпинисти сифатида фаолият кўрсатди.

С.Денисенко 8848,86 метр баландликда жойлашган дунёдаги энг баланд Эверест (Жомолунгма) чўққисига чиқишга узоқ вақт ва пухта тайёргарлик кўрди. Шунингдек, бу Сергейнинг биринчи ютуғи эмас. 2019 йилда у Непалдаги Мера чўққисини забт этган эди.

Аммо Эверест ҳар доим унинг энг катта орзуси бўлиб келган, бугунга келиб эса у ҳақиқатга айланди. 2021 йил 11 апрелда Никита Балабанов гуруҳи таркибида "Кулуар" жамоаси билан унинг Эверестга экспедицияси бошланди. Ноқулай об-ҳаво шароитида икклимлаштириш бўйича ишлар олиб борилди. Об-ҳавонинг кескин ўзгарувчанлиги кўтарилиш имконини бермаслиги мумкин эди. Аммо сабр-матонат ва дунёнинг энг юқори чўққисига туришга бўлган хоҳиш устунлик қилди.

Тақдирлаш маросимида қахрамонимизнинг келгусидаги зафарли юришларига омад ва эзгу тилаклар билдирилди.

Ў.А



ЎЗБЕКИСТОНГА ПЕШҚАДАМЛИК КЕРАК

Жамоамиз Сингапурга қарши баҳсда яққол устунликларини намойиш этишди. Учрашувда рақибларимиз шиддатли қаршилик кўрсата олмаган бўлса-да, икклимнинг иссиқ, нам ва чанглиги боис футболчилар қийналишди.

Учрашувнинг дастлабки дақиқаларидан фаолият кўрсатган жамоамиз олтинчи дақиқадаёқ Жалолиддин Машариповнинг голи эвазига ҳисобни очигаша эришди. Ўйин назоратини қўлга олган футболчиларимиз голдан сўнг яна бир қатор хавфли вазиятлар яратишди, аммо тўп бир сафар дарвоза тўсинига тегса, бир сафар дарвозабоннинг маҳорати Сингапур жамоасининг жониға оро кирди. Биринчи таймнинг 34 дақиқасида Жалолиддин Машарипов рақиб дарвозасини иккинчи бор ишғол қилди ва ҳисобни ишончли қўринишга келтирди. Бўлим сунгида Элдор Шомууродов киритган гол ўйин тақдирини ҳал қилди.

Иккинчи бўлимни ҳам фаол бошлаган жамоамиз рақиб дарвозасига яна битта тўп киритишди. Бу сафарги голга жамоамиз сардори Одил Аҳмедов муаллифлик қилди. Учрашув асосий вақти якунланишига икки дақиқа вақт қолганда рақибларимиз ўз дарвозасига тўп киритиб қўйишди. Шу

тариқа терма жамоамиз муҳим учрашувда йрик ҳисобда галаба қозонди.

Ўйиндан кейин ташкил этилган матбуот анжуманида миллий жамоамиз бош мураббийи Вадим Абрамов баҳс ҳақида ўз фикрлари билан урқоқлашди: "Биринчи навбатда йигитларни галаба билан табрикламоқчиман. Улар осон бўлмаган ўйинда галаба қозонди. Албатта, ҳисоб бизни хурсанд қилади, бироқ сариқ карточкалар сони бироз кўпайиб кетгани хавотирли ҳолат", — деди бош мураббий.

Миллий жамоамиз ушбу баҳсдан кейин очколар сонини 12 тага етказиб олди ва пешқадм Саудия Арабистони билан орадаги фарқи 2 очкогача қисқартирди. Саудияликлар эса бу турда Яман терма жамоасини йрик ҳисобда мағлубиятга учратиб, гуруҳда пешқадм бўлиб турибди.

Ўзбекистон терма жамоаси 11 июнь кuni навбатдаги баҳсда Яман термаси билан ўйнаса, Саудия Арабистони ўша кuni Сингапурга қарши майдонга тушади. 15 июнь кuni эса жамоамиз асосий рақиб — Саудия Арабистониға қарши саф тортишади.

Жамшид БАҲОДИР ҲҒЛИ



ТОКИО ОЛИМПИАДАСИ ЙЎЛЛАНМАСИНИ ҚЎЛГА КИРИТГАН ЙИГИТ

Собиржон Сафаралиев 2001 йилда Нуробод тумани Жом қишлоғида туғилган. У бугунги кунда Самарқанд давлат университетининг Жисмоний маданият факультети 1-курс талабаси. Спортнинг академик эшак тури бўйича мунтазам шугулланиб келмоқда. 2019 йил Жанубий Корея Республикасида бўлиб ўтган Осиё чемпионатида ҳамда Таиланднинг Паттайа шаҳрида ёшлар ўртасида

бўлиб ўтган мусобақаларда олтин медални қўлга киритган.

Собиржон Сафаралиев Японияда бўлиб ўтадиган Токио олимпиадасининг академик эшак тури бўйича мусобақаларида қатнашиш ҳуқуқини қўлга киритди. Спортчи-мига мусобақаларда галабалар ёр бўлишини тилаб қоламиз.

Ў.А мухбиримиз

ЧИРЧИҚ ФУТБОЛ ЛИГАСИ — 2021

Ўзбекистон давлат жисмоний тарбия ва спорт университети раҳбарияти ташаббуси билан Чирчиқ шаҳар ҳокимлиги ҳамкорлигида Чирчиқ шаҳрида фаолият олиб бораётган корхона ва ташкилотларнинг ишчи-ҳодимлари ўртасида "Чирчиқ футбол лигаси" мусобақаси ташкил этилди.

Мусобақада 12 та жамоа иштирок этди. "Чирчиқ футбол лигаси"да ўз вақтида Осиёнинг 2 карра энг яхши футболчиси деб тан олинган Сервер Джепаров Доктор-сервис жамоаси таркибида майдонга тушиб, мусобақа жозибасини янада оширди.



Жорий йилнинг 12 мартида бошланган "Чирчиқ футбол лигаси" мусобақаларида жамоалар умумий ҳисобда 66 учрашув ўтказди. "Чирчиқ футбол лигаси" мусобақасида 3-уринни "Чирчиқ қишлоқ хўжалиги ва техника заводи" жамоаси, 2-уринни Ўзбекистон давлат жисмоний тарбия ва спорт университетининг "Лочин" жамоаси, 1-уринни "Максам-Чирчиқ" жамоаси эгаллади.

Бардамбек САЪДУЛЛАЕВ, "Ўзбекистон овози" мухбири.

GROUP D

	P	W	D	L	F	A	GD
1 Saudi Arabia	6	4	2	0	16	4	12 pts
2 Uzbekistan	6	4	0	2	17	6	11 pts
3 Palestine	7	2	1	4	7	10	7 pts
4 Singapore	7	2	1	4	7	19	7 pts
5 Yemen	6	1	2	3	6	14	5 pts

ФУТБОЛ БАЙРАМИГА ЖУДА ОЗ ҚОЛДИ

Пандемия туфайли 2021 йилга қолдирилган Евро-2020 турнири 11 июндан старт олади. Бу сафарги мусобақада 24 жамоа тўрттадан олти гуруҳга ажратилган. Чемпионат олдинги мусобақалардан фарқи равишда бошқача форматда ўтказилмоқда. Евро-2020 ўйинларига Европанин 11 шаҳри мезбонлик қилади.

Мусобақада гуруҳ босқичи ўйинларининг якунига кўра энг яхши 16 жамоа 1/8 финалға чиқади. Голиб жамоа иштирокини давом эттирса, мағлуб жамоа уйига қайтади.

11 июнь кuni Римдаги Олимпико стадионида Туркия ва Италия ўртасида турнирнинг очилиш ўйини бўлиб ўтади. А гуруҳидаги ўйинларнинг учтаси Италияда, яна учтаси турнирда иштирок этмайдиган Озарбойжон пойтахти Бокуда ўтказилади.

В гуруҳида Россия ва Дания мезбонлар ҳисоблангани учун қўшимча кўрға орқали уларнинг ўзаро учрашуви Копенгагенда ўтказилади бўлди. Гуруҳдаги уч ўйинга Дания, яна уч ўйинга Россия мезбонлик қилади.

С гуруҳидаги ўйинларнинг 3 таси Нидерландия пойтахти Амстердамда, яна учта ўйин турнирда йўлланма ололмаган Руминия пойтахти Бухарестда бўлиб ўтади.

Д гуруҳидаги ўйинларнинг учтаси гуруҳ мезбони бўлмиш Англия пойтахти Лондонда, яна учтаси қўшни Шотландия пойтахти Глазгода ўтказилади.

Е гуруҳида мезбон Испания ўзи иштирокидаги уч ўйинни Мадридда қабул қилади, гуруҳдаги яна уч ўйин Санкт-Петербургда бўлиб ўтади.

Ф гуруҳида мезбон Германия ўзи иштирокидаги уч ўйинни Мюнхенда қабул қилади, яна уч ўйин гуруҳнинг бошқа бир иштирокчиси бўлмиш Венгрия пойтахти Будапештдаги стадионда ўтказилади.

Санкт-Петербург ва Бокудаги стадионлар сигимининг 50 фоизи тўлдирилмиши мумкин. Будапешт трибуналарини 100 фоизга тўлдирмоқчи, аммо стадионга киришда қатъий талабларга амал қилиниши назорат этилади. Амстердам, Бухарест, Глазго, Копенгаген, Рим ва Севильяда стадионлар 25 фоиздан 45 фоизгача тўлдирилади. Лондон гуруҳ босқичи ўйинларида ҳам, нимчорак финал ўйинларида ҳам стадион сигимининг 25 фоиздан фойдаланади. Мюнхен ўйинларига кўпи билан 14,5 минг томошабин киритмоқчи, бу

эса трибуналар сигимининг 22 фоизига тенг.

Евро-2020 турнирида ҳар бир жамоа бир ўйинда беш нафаргача футболчи алмаштириш имкониятидан фойдаланиши мумкин.

Жамшид АМИРОВ, ЎЗЖОКУ талабаси.

EURO 2020 QUALIFIED TEAMS AND GROUPS

GROUP A	GROUP B	GROUP C
Turkey, Italy, Wales, Switzerland	Denmark, Finland, Belgium, Russia	Netherlands, Ukraine, Austria, N.Macedonia
GROUP D	GROUP E	GROUP F
England, Croatia, Scotland, C.Republic	Spain, Sweden, Poland, Slovakia	Hungary, Portugal, France, Germany

ТУҲМАТ УЧУН МАЪМУРИЙ ВА ЖИНОИЙ ЖАВОБГАРЛИК МАВЖУД

Туҳмат, яъни била туриб ёлгон, бошқа бир шахсни шарманда қилувчи уйдирмаларни тарқатиш

4 млн 900 мингдан 14 млн 700 минг сўмгача маъмурий жарима солишга сабаб бўлади

Туҳмат қилиш маъмурий жазо қўлланилганидан кейин содир этилган бўлса

49 млн сўмгача жарима ёки 300 соатгача мажбурий жамоат ишлари ёхуд 2 йилгача ахлоқ тузатиш ишлари билан жазоланади

Нашр қилиш ёки бошқа усулда кўпайтирилган тарзда, ОАВда, телекоммуникация ёки Интернетда жойлаштириш орқали туҳмат қилиш

49 млндан 98 млн сўмгача жарима ёки 300 соатдан 360 соатгача мажбурий жамоат ишлари ёхуд 2 йилдан 3 йилгача ахлоқ тузатиш ишлари ёки 1 йилгача озодлиқни чеклаш билан жазоланади

Туҳмат:

- огир ёки ўта огир жиноят содир этишда айблб
- огир оқибатлар келиб чиқишига сабаб бўлган ҳолда
- хавфли рецидивист томонидан
- ғаразғўйлик ёки бошқа паст ниётларда қилинса

73 млн 500 мингдан 122 млн 500 минг сўмгача жарима ёки 360 соатдан 400 соатгача мажбурий жамоат ишлари ёхуд 1 йилдан 3 йилгача озодлиқни чеклаш билан жазоланади

Асос: Маъмурий жавобгарлик тўғрисидаги кодекс, Жиноят кодекси

ЎЗБЕКИСТОН ОВОЗИ

MUASSIS:

Bosh muharrir: Safar OSTONOV

TAHRIR HAY'ATI:

Ulug'bek INOVATOV Qalandar ABDURAHMONOV Hayotxon ORTIQBOYEVA
 Ulug'bek VAFOYEV Guliston ANNAQILICHEVA Toshtemir XUDOYQULOV
 Mahmud TOIR Muslihidin MUHIDDINOV

Qabulxona — (71)233-65-45
 Xatlar va murojaatlar uchun — (71)233-12-56
 Reklama va e'lonlar uchun — (71)233-47-80
 E-mail: info@uzbekistonovozi.uz

MANZILIMIZ: 100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etiladi.
 Korxonani manzili: Buyuk Turon ko'chasi, 41-uy.
 Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi.
 «O'zbekiston ovozi» materiallarini ko'chirib bosish faqat tahriyati ruxsatli bilan amalga oshiriladi.

Г — 641. 2921 nusxada bosildi.
 Nashr ko'rsatkichi — 220.
 t — Tijorat materiallari
 O'zA yakuni —
 Topshirilgan vaqti — 23:00.

Sotuvda kelishilgan narxda

Navbatchesi: **Nurullo OSTONOV**
 Sahifalovchi-dasturchi: **Bekzod ABDUNAZAROV**

ISSN 2030-7633

Газетанин электрон саҳифасига ўтиш учун QR-кодни телефонингиз орқали сканер қилин.

1 2 3 4 5 6